

SBU:stä

SBU arvioitsee sairraanhoijon ja sosiaalipalvelun toimia

SBU, Valtion valmistelu lääketieteelliselle ja sosiaalile arvioinile oon virasto jollako oon tehtävännä ette tehjä riippumattomia arviointia metutista terhveys- ja sairraanhoijossa ja hamphaanhoijossa. SBU:lä oon kansa tehtävännä ette tarkistaa tietosuustilan toimile sosiaalipalvelussa ja toimile jollako oon tukea LSS:in kautta. LSS (Lag om stöd och service) oon laki tuesta ja palvelusta.

SBU ottaa esimerkiksi tiethoon seuraavaa:

- * Kunkas hyvä hoito elikkä toimi oon?
- * Milläs laila tarpheet arvioithaan parhaiten?
- * Kunkas resyrsiä käytethään ette net antasit parriiman hyöyn?

SBU antaa tietosuutta paremalle hoijole ja huolole

Yhtheiskunta antaa tukea erilä laila - se saattaa olla sairraanhoitoa, huolenpitoa vanhoista ja toimintarajotetuista elikkä erityistä apua ko käyttää huuhmeita väärin. Lapsi, joka oon käytetty hyväksi elikkä jollako oon hankaluuksia koulussa, saattaa kansa tarvita apua yhtheiskunnalta joka toimii sairraanhoijon elikkä sosiaalipalvelun kautta. Mutta milläs sitä tietää mikä hoito, huolenpito elikkä toiminta oon turvalisiin ja enniiten efektiiv? Tätä SBU arvioitsee.